

FTESA PËR OFERTË

Bazuar në Vendimin nr. 349, date 12.06.2018 të Këshillit të Ministrave “Për miratimin e masave mbështetëse për nxitjen e përdorimit të energjisë elektrike nga burimet e rinovueshme të diellit dhe erës, si dhe të procedurave për përzgjedhjen e projekteve për përfitimin e tyre”, Ministria e Infrastrukturës dhe Energjisë, ka hapur Procesin Konkurrues për përzgjedhjen e ofertuesit për zhvillimin e Projektit për ndërtimin e impiantit fotovoltaik, në Zonën e Akërnisë (Vlorë).

1. Emri dhe adresa e autoritetit kontraktues

Emri: Ministria e Infrastrukturës dhe Energjisë
Adresa: Rruga “Abdi Toptani”, nr. 8, Tiranë
Tel/Fax: +355 4 2222245
E-mail: sekretaria@infrastruktura.gov.al
Faqja e Internetit: www.infrastruktura.gov.al

2. Emri dhe adresa e personit të kontaktit:

Emri: **Enea Karakaçi**
Ministria e Infrastrukturës dhe Energjisë
Drejtor i Drejtorisë së Programimit, Standartizimit dhe Harmonizimit
të Kuadrit Rregullator
Tel: +355 4 2222245
E-mail: enea.karakaci@infrastruktura.gov.al

Cc: **Ervin Duraj**
Ministria e Infrastrukturës dhe Energjisë
Specialist, Drejtoria e Partneritetit Publik Privat në fushën e
Infrastrukturës dhe Energjisë
Tel: +355 4 2222245
E-mail: ervin.duraj@infrastruktura.gov.al

3. Objekti i procesit konkurrues: Përzgjedhja e Projektit për ndërtimin e impiantit fotovoltaik për prodhimin e energjisë elektrike me kapacitet gjenerues të instaluar 50 MW, si pjesë e Masave Mbështetëse, në Zonën e Akërnisë (Vlorë) dhe ndërtimin e kapaciteteve të tjera shtesë nga 20 MW deri në 50 MW, të cilat nuk do të jenë pjesë e Masave Mbështetëse.

4. Lloji i procesit konkurrues: E hapur

5. Vendndodhja e objektit të procesit konkurrues: Bashkia Vlorë, Zona Akëri, në Zonën Kadastrale ZK.1007, Vlorë

- 6. Kohëzgjatja e Marrëveshjes së Projektit:** 30 vjet, me të drejtë përsëritje
- 7. Kohëzgjatja e Marrëveshjes së Blerjes së Energjisë:** Si pjesë e masave mbështetëse, Marrëveshja e Blerjes së Energjisë do të nënshkruhet për kapacitetin 50 MW për një kohëzgjatje 15 vjet.
- 8. Afati kohor për ekzekutimin e punimeve:** 18 muaj nga Data Efektive, e cila nënkupton datën e nënshkrimit të Marrëveshjes së Projektit.
- 9. Afati kohor për dorëzimin e ofertës:** Jo më vonë se data 17.09.2018, ora 12.00. Ministria e Infrastrukturës dhe Energjisë do të lëshojë konfirmimin e marrjes së ofertës, me datën dhe orën e pranimit. Ofertat e marra pas afatit përfundimtar nuk do të merren parasysh. Ato do t'i kthehen ofertuesit pa u hapur.
- 10. Afati kohor për hapjen e ofertave:** 17.09.2018, ora 12.00
- 11. Periudha e vlefshmërisë së ofertave e shprehur në ditë:** 150 ditë (njëqind e pesëdhjetë) nga afati i përcaktuar për dorëzimin e ofertave.

- 12. Pagesa e tarifës së pjesëmarrjes në procesin konkurrues:** Çdo shoqëri ose bashkim shoqërisht ofertuese të cilët dëshirojnë të marrin pjesë në procesin konkurrues duhet të paguajnë paraprakisht tarifën e pjesëmarrjes në procesin konkurrues. Subjektet e interesuara si më sipër, janë të detyruara të ofrojnë dëshmi mbi pagesën e tarifës së pjesëmarrjes në procesin konkurrues, duke deklaruar në emër të cilit subjekt është paguar tarifa. Nëse subjekti i interesuar vepron si përfaqësues i autorizuar e një shoqërie ose bashkimi shoqërisht, ata janë të detyruar të paraqesin autorizimin e përfaqësimit të shoqërisë apo bashkimit të shoqërive.

Autoriteti Kontraktor mban regjistrin e personave/subjekteve që kanë paguar tarifën e pjesëmarrjes dhe vetëm atyre ju vë në dispozicion, një kopje të Dokumenteve të procesit konkurrues, sipas kërkesës së tyre në gjuhën shqipe ose angleze. Tarifa e pjesëmarrjes në procesin konkurrues është 2.000 Euro (dy mijë euro). Pagesa do të bëhet në llogarinë e Autoritetit kontraktues, Ministrisë së Infrastrukturës dhe Energjisë, me të dhënat si më poshtë:

Emri i Institucionit Përfitues

**MIN. INFRASTRUKTURES DHE ENERGJISE
Drejtoria e Buxhetit dhe Menaxhimit Financiar
1006001**

Kodi i Institucionit

3535

**Kodi i Degës së Thesarit ku vepron
Blerje dokumentash për tender**

7113013

Me përshkrimin:

Tarifë për pjesëmarrjen në Procesin Konkurrues me objekt për "Përzgjedhjen e Projektit për ndërtimin e impiantit fotovoltaik për prodhimin e energjisë elektrike me kapacitet gjenerues të instaluar 50 MW

si pjesë e Masave Mbështetëse, në Zonën e Akërnisë (Vlorë)".

Tarifa e pjesëmarrjes në procesit konkurrues është e pakthyeshme.

Vetëm Ofertuesit që kanë paguar tarifën e pjesëmarrjes në Procesit Konkurrues kanë të drejtë të marrin pjesë në këtë procedurë.

Dokumentet e procesit konkurrues mund të tërhiqen nga subjektet e sipërcituara duke filluar nga data 6.8.2018 çdo ditë të javës, me përjashtim të ditës së shtunë dhe të dielë, nga ora 9:00 deri në orën 14:00 në Ministrinë e Infrastrukturës dhe Energjisë – Rruga “Abdi Toptani”, nr.8, Tiranë, Shqipëri, Tel+355 4 2222245. Personi përgjegjës për dhënien e dokumenteve të procesit konkurrues: Ervin Duraj e-mail: ervin.duraj@infrastruktura.gov.al

13. Gjuha për paraqitjen e ofertave ose kërkesave për pjesëmarrje: Ofertat duhet të dorëzohen në gjuhën Shqipe ose Anglisht. Nëse dokumentacioni është dorëzuar në gjuhën angleze, ofertuesi është i detyruar gjithashtu të dorëzojë një përkthim në gjuhën Shqipe. Në rast të mosmarrëveshjes, përkthimi në gjuhën shqipe do të përdoret për të interpretuar informacionet dhe paqartësitë.

14. Të dhëna lidhur me vendodhjen e Projektit: Zona ku do të zhvillohet Projekti është Zona e Akërnisë, Bashkia Vlorë ZK 1007. Zona e Akërnisë është një nga zonat më të favorshme me rrezatim më të lartë diellor dhe efikasitet më të lartë të prodhimit të energjisë elektrike nga impiantet diellore, e cila ka një potencial të energjisë diellore prej më shumë se 1600 kWh/m². Koordinatat e zonës së identifikuar janë të specifikuar në Dokumentet e Procesit Konkurrues.

15. Lidhja me rrjetin e transmetimit: Lidhja me rrjetin e transmetimit e impiantit fotovoltaik me rrjetin 110 kV të transmetimit.

Skema e lidhjes me rrjetin dhe distancat përkatëse mund të ndryshojnë në varësi të zonës përfundimtare të ndërtimit të parkut fotovoltaik, të pozicionit ku do të ndërtohet nënstacioni ngritës 110/TM kV i parkut fotovoltaik në zonë, si dhe gjurmës së linjës deri në pikën e lidhjes me rrjetin e transmetimit.

16. Kostot infrastrukturore: Çdo kosto infrastrukturore për aksesin e Projektit dhe lidhjen e Projektit me rrjetin e transmetimit, përballohet nga Ofertuesi.

17. Sigurimi i ofertës: Ofertuesit duhet të paraqesin sigurimin e ofertës në vlerën 200.000 Euro.

18. Pyetjet e para-ofertës: Ofertuesit e mundshëm mund të paraqesin pyetje në lidhje me Dokumentet e Procesit Konkurrues me e-mail në adresën e caktuar të personit të kontaktit.

Të gjitha pyetjet në lidhje me DPK duhet të dorëzohen deri në orën 15:00 të orës standarde të Evropës Qendrore në 24 gusht 2018.

19. Takimi paraprak dhe vizita në terren: Autoriteti Kontraktor do të organizojë një takim të para-ofertës dhe një vizitë në terren për të gjithë ofertuesit që kanë bërë pagesën e pjesëmarrjes në Proçedurën Konkurruese. Koha dhe vendi i mbajtjes së takimit paraprak do të jenë:

Koha: 27 Gusht 2018, ora 10.00

Vendi: Ministria e Infrastrukturës dhe Energjisë

Secili Ofertues do të lejohet të sjellë maksimumi 3 persona në takimin e para-ofertës dhe në vizitën në terren. Të gjithë përfaqësuesit e Ofertuesve do të mbajnë autorizimin e duhur për të marrë pjesë në takimin para-ofertës dhe vizitën në terren në emër të Ofertuesve. Gjatë takimit të para-ofertës, përfaqësuesit e Autoritetit Kontraktor do të sqarojnë ofertuesit e mundshëm lidhur me aspekte të ndryshme të ofertës.

Një vizitë në terren për ofertuesit gjithashtu do të përfshihet në takimin e para-ofertës.

20. Përgjigjet e pyetjeve të para-ofertës: Autoriteti Kontraktor do të japë përgjigje brenda datës 31.08.2018 për të gjitha pyetjet e paraqitura nga ofertuesit që kanë paguar tarifën e pjesëmarrjes në Procesin Konkurrues.

21. Kriteret e vlerësimit të ofertave: Kriteret e vlerësimit të ofertave janë:

1. Kriteret e para kualifikimit – që provojnë përmbushjen e kriterëve ligjore dhe të besueshmërisë të ofertuesve;
2. Kriteret teknike (70 pikë) - që provojnë përmbushjen e kapaciteteve teknike dhe financiare;
3. Kriteri financiar (30 pikë) – i cili përfshin kuotimin e Ofertuesit për një tarifë fikse 15 vjeçare në Euro/MWh si pjesë e masave mbështetëse dhe angazhimin për ndërtimin e kapaciteteve të tjera shtesë nga 20 MW deri në 50 MW, të cilat nuk do të jenë pjesë e Masave Mbështetëse.

22. Zhvillimi i procesit: Ofertuesit do të dorëzojnë dokumentet e kërkuara në DPK në një zarf të mbyllur (ose kuti të mbyllur) të sigluar nga përfaqësuesi i ofertuesit dhe me vulën e shoqërisë ofertuese. Ky zarf do të ketë në brendësi 3 zarfe:

1. Dokumentet e para kualifikimit (një zarf)
2. Dokumentet teknike (një zarf)
3. Dokumentet financiare (një zarf)

23. Nënshkrimi i kontrates: Në përfundim Autoriteti Kontraktues negocion dhe nënshkruan kontratën me Ofertuesin që ka paraqitur propozimin më të mirë të vlerësuar.

Ky njoftim do publikohet në buletin e njoftimeve zyrtare duke filluar nga data 06.08.2018.